



Pele Broberg, Naleraq
Inatsisartunut ilaasortaq
inatsisartut@ina.alla.gl

§37 naapertorlugu apeqqummut akissut - 98-2025 – Nukissiorfiit Kalaallit Nunaanni Sulisitsisunut akiliutigisartagaannut tunngasoq

18-07-2025
Sags nr. 2025 - 878

Postboks 930
3900 Nuuk
Tlf. (+299) 34 68 00
Fax (+299) 43 02
E-mail: asn@nanoq.gl
www.naalakkersuisut.gl

Asasara Pele,

Inatsisartut suleriaasianni § 37 naapertorlugu Nukissiorfiit Kalaallit Nunaanni Sulisitsisunut akiliutigisartagaannut tunngasumik apeqquteqarputit. Apeqqutippit akineqarnissaat uannut innersuussutaapput. Kinguliini apeqqutitit ataasiakkaarlugit issuarneqartassapput akisummik malitseqartillugit.

Apeqqut 1: ”Nukissiorfiit” ingerlatsivittut qanoq ”aaqqissuussaava”, Naalakkersuisullu tassunga naalakkiisinnaatitaappat?

Akissut: Nukissiorfiit tassaapput suliffeqarfissuaq nammineertitaq Namminersorlutik Oqartussanit pigineqartoq taamalu aningaasanut inatsimmit aningaasaliiffigineqartartoq. Naalakkersuisut nukissiornermut politikkimi sinaakkutissanik najoqqutassiortartuupput, Nukissiorfiit sulinerminni najoqqutassaannik, sinaakkusiaasullu malillugit Nukissiorfiit namminneq ingerlatsisarput, suliffeqarfiup aningaasarsionera pitsaasumik ingerlaqqullugu. Naalakkersuisut Nukissiorfinnut arlalinnik maleruagassaqartitsipput. Tamatuma malitsigisaanik assersuutigalugu akigititanik aalajangersaanerit kiisalu niueqateqarnermi pilersuinermilu piumasaqaatit Naalakkersuisunit akuerineqaaqaartussaapput. Naalakkersuisut Nukissiorfiillu ataqatigiissutigisaat pingaarnerusutigut aningaasanut inatsimmi nassuiaatinut oqaaseqaatinullu tunngasuniippoq, pingaartumillu kontomi pingaarnermi 73.94.02-mut tunngasuniilluni kiisalu *Nukissamik pilersuineq pillugu Inatsisartut peqqussutaat nr. 14, 6. november 1997-imeersumiillutik aamma Imermik pilersuineq pillugu Inatsisartut peqqussutaat nr. 10, 19. november 2007-imeersumiillutik*. Inatsisit nalunaarutillu allat Nukissiorfiit suliffeqarfittut ingerlanneqarneranut tunngasut uani takuneqarsinnaapput: <https://nukissiorfiit.gl/da/om/Love-og-bekendtgørelser>.

Apeqqut 2: Naatsorsuutini akuerineqarnikuni kingulliusoq naapertorlugu ”Nukissiorfiit” ingerlatsiviilu ataaniittut katillugit qanoq nnertutigisumik ”Kalaallit Nunaanni Sulisitsisunut” aningaasartuuteqarnikuuppat?

Akissut: Nukissiorfiit ilisimatitsipput 2024-mi Kalaallit Nunaanni Sulisitsisunut 10.000 DKK-nik akiliisimallutik. Aningaasat tunngaviusumik ilaasortaanermut akiliutaapput tassaallutillu 2.500 DKK-t sisamaasut.

Nukissiorfiit ilisimatitsipput Kalaallit Nunaanni Sulisitsisunut ilaasortaallutik attaveqateqarnissaq anguniarlugu kiisalu Kalaallit Nunaanni inuussutissarsiornerup iluani peqataarusullutik. Nukissiorfiit aammattaaq ilisimatitsissutigaat ilaasortaanermut akiliut ataavartumik nalilersorneqartartoq, tamatuma Nukissiorfinnut naleqassusia naliliiffigineqartarluni.

Apeqquut 3: Ukiut siulii naatsorsorsinnaasat tamakkerlugit katikkaanni, ”Nukissiorfiit” ingerlatsiviilu ataaniittut katillugit qanoq annertugisumik ”Kalaallit Nunaanni Sulisitsisunut” aningaasartuuteqarnikuuppat? Uani, naatsorsuuseriaaseq naapertorlugu, minnerpamik ukiut 5 kingulliit katillugit akeqquneqarput.

Akissut: Ukiuni 2019–2024-mut Nukissiorfiit katillugit 90.100 DKK Kalaallit Nunaanni Sulisitsisunut akiliuteqarsimapput. Akiliutit tunngaviusumik ilaasortaanermut akiliummut tunngasuullutillu sulisut attuumassuteqartuni pikkorissarsimanerannut akiliutaapput.

Inussiarnersumik inuulluaqqusillunga
Med venlig hilsen



Naaja H. Nathanielsen
Inuussutissarsiornermut, Aatsitassanut, Nukissiutitut, Inatsisit
Atuutsinneqarnerannut Naligiissitaanermullu Naalakkersuisoq
Departementet for Erhverv, Råstoffer, Energi, Justitsområdet og Ligestilling